



藤華亭十種

增
54/
10

十





門 4
第 41
卷 10

序

論語正名漢鄭氏註謂正書字也古者曰名今世曰字禮記百名以上則書之於策許氏說文序云著於竹帛謂之書蓋古書於帛契於冊前人所以垂後後人所以識古舍此蔑由也古籍遭秦火雖孔壁古文復出然已無有存者後之人求古文字惟金石為古人詒畱三代以上金多而石少秦漢以下石多而金少夏商之文

但具子孫及祖父名後則紀以歲月國邑文可
可讀秦皇始皇刻石稱皇帝二世詔備列臣名
爲石刻之祖漢則制碑式有額有正有陰有旣
有額而復題於首者有陰亦題額者撰文立碑
人及歲月有載於碑文內者有特題於後者有
題書名者有題工匠名者有題出錢名者後代
因之而法益備自宋歐趙諸公著錄至於今好
古之士梭輯益廣未有分類而條舉其例者唯

元濟南潘文僖創爲金石例十卷獨詳墓誌大
段以韓文爲例黃梨州先生作要例以譏之是
也秀水朱先生跋明長洲王止仲墓銘舉例謂
王所採一十五家之文足以續蒼崖而補其闕
又云墓銘莫盛於東漢鄱陽洪氏隸釋隸續其
文其銘體例匪一宜用止仲之法舉而臚列之
今洪氏書具在蒙嘗欲取兩漢碑文一一舉其
例以補潘氏所遺亦朱先生志也年來奔走

方不暇纂輯丙戌來游粵東晤梁君出示所撰
金石稱例四卷蓋先得我心矣其書分國制官
屬姻族喪葬文義時日二氏爲七類正編始三
代迄五季續編則補以宋元遼金末附碑文摘
奇一卷可謂詳且備矣然檢洪書所載尙有可
以採者如漢蜀郡太守何君閣道碑建武中元
二年六月洪氏引新始建國天鳳上戊六年銅
斗新始建國地皇上戊二年鉦以証漢莽之時

卽位初元冠改元之上可以補國制蜀郡辛通
達李仲僧造橋碑題卿洪氏引漢志註引應劭
云云又引武開明碑沈子琚碑兩卿以証漢人
稱丞爲卿馮緄終于廷尉而碑額題車騎將軍
魯峻終于屯騎校尉而碑額題司隸校尉銜名
題其尊者孔彪遷下邳相河東太守而碑題博
陵太守以碑爲博陵人所立故吏爲舊君立碑
但題本官劉熊碑陰有稱好學稱德行者北海

相景君碑陰有稱修行者蜀郡屬國辛通達李仲曾造橋碑題名稱荷吏舜子巷義井稱分子成都左右生碑有稱文學祭酒中部碑有稱校官祭酒里祭酒金廣延母徐氏紀產碑有稱大婦小婦皆以補官職姻族楊孟文石門頌中遭元二洪氏引論衡及史傳以爲元二年可以補時日如錢氏跋尾所載亦多有可採者南唐龍光寺碑後題開寶二年不稱大宋陶翼嵩臺石

室文後題炎宋皇祐五年蕭山縣夢筆橋記稱巨宋崇化寺西塔基記後題唐下元戊午戊午己爲周顯德五年虎邱石幢題下元甲子顯德五載龍集戊午雖書顯德年號仍冠以下元甲子祇園寺舍利塔題字云戊午顯德五年題戊午于顯德上不稱大周皆祚已移猶用本國年號者七星巖洞趙善擇伯仍等題名稱玉牒是宋人宗室署名不署姓政和二年韓城縣河瀆

靈源王廟碑陳口趙口倫倫三人皆列降官銜
天福史匡翰碑題起復入列銜宋代因之此可
補國制官職者他如金陵石刻向未著錄者六
合紹聖井題聖宋上元義井題下元壬午宋端
平造橋題字咎巷陶發心以及唐同光禪師塔
銘有造塔博士宋玉後唐同光法華鈞大德塔
銘有博士侯建鐫字造橋博士郝溫宋太平興
國鐘有博士韓定六人紹聖通利年鐘有小博

士日元小博士王在蓋當時役匠之稱漢鏡鈎
刀銘皆用五月丙午是月無丙午亦然蓋取火
德之盛元碑紀年多以十二畜如寅爲虎兒年
卯爲兔兒年皆可以廣異聞至碑文奇字隸釋
及金石文字記錢氏跋尾尙當備採漢唐碑文
所引經傳多古本當分引經類以証今本之異
漢唐去古未遠而已多別體所用文字古僞間
出當分古文類別字類以存六書之遺梁君屬

爲敘其書謹錄鄙見以遺之聊備大雅採擇焉
道光戊子重九上元愚弟溫葆淳

自序

古人最重稱號之學爾雅廣疏風俗通方言詳
矣盡矣然非今昔互殊卽南北迥別著諸文字
反見拘迂至有壽世母而稱媠傳藝林之笑柄
者稱謂之間習焉不察博雅君子將且譏詆於
其後然經史冊籍日資翻閱尙易叅稽金石則
散落山水荒僻或古所存而今已亡或前未見
而後始出拓藏未富則証據益難金石稱例之

金石稱例

序

一

所緣起也顧金之爲物有用易燬皇祖伯考之屬存在識銘僅偶一見不若碑誌之堅好尙有文義可尋蓋石多而金少自來著錄家類然矣春來無事發閱藏碑積爲此帙區分七類始三代迄五季而止每條先標大意証以原文數語泐者缺之他書可考者補之中有互証發明者附以按語別之此又例中之例也戊寅初秋五日梁廷枏自序於藤花亭

續金石稱例目錄

卷全

國制類

碑稱本朝爲皇家

有天下之號加稱國字

紀國年號禋

碑頌稱世爲葉

陵寢稱寢園或稱陵域

嗣位稱繼祚

上疏自稱草土臣

稱太上不繫皇帝字

姻族類

對舅稱外甥 兄弟稱同氣

對伯叔祖稱姪孫

婦人對其伯叔父稱猶子

兄弟稱季孟 先娶婦稱元娶

孫稱孫男

喪葬類

死稱違世 皇后死稱上遷

文義類

撰碑人止具官銜不稱名姓

題名稱記押

臣子頌君自稱先生而不名

撰文稱述 碑石稱温珉

號冠姓字之上 道家記文亦稱實錄

題記稱寓書 碑不先叙諱字

御製文稱聖作

撰文人自稱老拙

索文曰屬筆

幕客稱門下士

時日類

碑書時不明稱某月

時以甲乙稱者

二氏類

僧稱開上

設醮稱座

寺稱招提

為釋氏撰碑稱戒弟子

前長官稱舊君

碑陰題名通稱字

歛貲刊石稱義主

題名稱民望都民望

部民稱邑老

邑令謁神自稱不佞

對先輩自稱後學

卷二

姻族類

父考並稱

長子稱大男

金石稱例

目錄

三

叙先世稱及其兄

從弟稱元弟

孫稱元孫

子立父碑稱君

叙人祖父止具官爵不稱名

祖稱祖父

乳母之稱

父死稱亡父

先人稱先尊

叙婦人父兄稱爵不

女稱息女

父母存歿稱見在過去

本有追尊之廟號可稱而但稱其本官

婦人姓不稱氏 婿稱女夫

居母喪撰文自稱哀子

父稱顯考

婦以排行稱

婦人從夫姓稱某門

為父書碑自稱嫡子

父稱女曰某娘 為同族撰碑稱族子

兄弟之子稱姪 父稱嚴考

書女但稱夫族不書適字等字

父稱子為小男 父稱烈考

兄稱弟為舍弟 曾祖稱曾門

為族子撰碑自稱族叔

婦人署名并及其夫

叙人先祖稱居士

叙婦人稱母不稱父

為兄誌墓不稱其父名

不稱高曾祖父 叙人先世先父後祖

碑叙子嗣先稱官而後名

同姓稱宗兄 高曾稱高門曾門

長子稱門子 婦人稱君

中表兄弟之子稱表姪

稱人後為末裔 婦人既寡稱霜妻

稱人父母加先字

婦人止稱本姓不繫夫族

父亦有稱皇父者

婦稱齊體

書父碑自稱孤子

父稱阿翁

長子稱元子

幼子稱小男

卷三

喪葬類

稱死者為先靈

死稱不祿

墓不稱地

刺史死稱薨

墓稱安厝

丁憂稱丁窮罰

服闋稱服終

婦人死亦稱示滅

墓地稱縣稱鄉不稱原

墓稱虔墓

內侍墓稱安厝

婦人死亦稱捐館

卒稱屈

死稱捐寢墓稱安宅

死稱謝世

文義類

金石稱例

碑後四言有韻之文亦稱叙

部民生頌其長官德政稱誄

為郡王撰碑稱公

銘文不稱銘曰字

墓銘稱頌

銘曰之曰作粵

撰文稱造文

撰銘稱薦銘

書碑稱題寫

撰碑稱作

文因避諱而去其名之一字

文易撰稱製

撰文人結銜名字並稱

墓碑題額稱塋兆記

碑稱某公曰某卿

釋氏稱律也猶俗之書禮也

撰文稱纂

撰文稱詞

立碑稱樹

墓誌稱誌文

碑禮也變稱孝也

書碑稱寫

稱諡有諡法所無者

稱名加一日字 撰碑稱述

君為臣製文稱頌

書人署名自稱逸士

刻石稱碑板 婦人稱號不稱諱

碑稱題諱即後人填諱所自祖

雙名止題一字 姓下稱氏復稱公

撰文稱述

為人撰碑文內直稱其人之名

卷四

時日類

朔下書日不稱越

碑不明稱日月 物稱壽稱紀

卒日稱時 碑後署日稱吉且

計年數獨稱日夏

年歲稱稔 卒不明書日月

本年稱當年

三氏類

婦人自稱清信女

男子稱清信士 寺主稱上座

釋氏碑或稱紺碣

僧年稱報齡 尼死稱捨壽

僧死亦稱遷形 助修橋者稱發心主

造經幢者稱君子

僧死稱示終 釋氏火葬稱施身

尼死或稱遷神 釋氏墓塔稱身塔

僧死稱謝 僧母稱先慈

釋氏稱兄 禪師稱諱稱字稱俗姓

助財稱施主 尼死稱薨

尼年稱法夏 釋氏稱其支派曰系孫

尼號稱法號

僧生卒稱中元後元不稱年號

僧稱公皆冠以名下一字

釋氏徒稱承襲 對釋氏稱俗弟子

婦人稱女弟子 僧有稱小師者

僧病稱示疾死稱歸真

金石稱例卷一

順德梁廷枏纂

國制類

卽位未改年者以月稱商庚申父丁角銘十六
月唯王乙祀也

按公緘鼎稱十四月圓寶鼎方寶鬲俱稱
十有三月戊命尊稱十九月古器銘文多

有如此

年號與王封有國之年並稱漢魯孝王石刻五鳳二年魯三十四年六月四日成也

拜官未就碑文仍稱前職高陽令楊著碑額止稱高陽也

按著曾拜思善侯相聞拜後卽以兄憂去官

碑稱有天下年數而不書年號校官碑蓋漢三

百八十有七載也

按碑立於靈帝光和四年

匈奴之長自稱單于魏公卿將軍上尊號奏匈奴南單于臣泉

王未受禪下令亦稱詔制上尊號奏而丁卯制書詔臣等曰又臣等伏讀詔書

也
國史稱籍北魏高植墓誌序茂烈皆備之國籍

金石稱例

國制類

卷一

三

萬祚卽萬年之義元寧造像記仰爲二聖敬造石象一壻願主上萬祚臣僚盡忠也

改元稱啟運東魏齊州刺史高湛墓誌序熙平啟運起家爲司空參軍事也

太后稱女后敬史君顯儁碑于時女后稱制權移外戚也

按此碑名已缺顯儁其字而史傳乃云名顯儁字孝英與碑迴異

易代後而列銜尙題前代者隋開皇六年張公禮撰龍藏寺碑猶稱齊開府長史兼行參軍當時不以爲嫌如此

有天下者或稱御紀唐伊闕佛龕碑頌帝唐御紀文以定祥也

天子所居稱別次異於諸殿門也楊州都督段志元碑上情深悼傷舉哀於別次

公主亦稱鄉貫蘭陵公主碑公主諱淑字麗貞

隴西狄道人也

稱先君爲聖考大王朝鮮朗空大師塔銘聖考大王忽貽遷化良惻仙襟也

君稱臣爲公燕國公于志寧碑乃令中書令來濟宣旨喻懷云公以永徽以來卽當樞要藉公材用爲朕股肱耳目

君爲臣撰碑亦稱公高宗御製李勣碑公名勣字懋功也

追叙先帝不稱廟號交州都督于知微碑祖志寧皇朝秦王友也

謫官後止稱前銜不稱所謫之銜麓山寺碑題署李邕題署前陳州刺史是也

按邕以開元十三年謫遷化尉是碑作於十八年

宗室稱皇族北嶽恒山安天王銘碑陰題名皇族從叔朝請郎行司馬叅軍欽回也

君稱臣母曰太夫人鄭國公楊珣碑序又太夫人有苦切之戒也

稱官第以別於衙署雲麾將軍張安生墓誌序以天寶十三載冬十一月十日扈從薨於昭應縣之官第也

按所終第宅不外公私兩地而碑誌所稱多有不同如客第私第私館私舍公舍之類是也又按官舍稱公館見殷府君夫人

碑

言本朝止稱曰皇左武衛將軍臧懷恪神道碑序祖寵皇通議大夫也

按宋璟等碑同

卽位後碑文仍稱太子中興頌天子幸蜀太子卽位於靈武也

按碑撰於上元二年

廟號尊號連稱田尊師德行頌序中宗大和

聖大昭孝皇帝之類也

本朝國號加稱巨字卽皇大之義揚州大都督
段行琛神道碑序巨唐大歷已未也

人主生日稱降誕日淨光塔銘題皇帝降誕日
爲國建無垢淨光塔也

享國世代稱芳葉刺史折嗣祚碑昔先王之顧
命巨唐之芳葉也

官屬類

長官稱明府漢北海相景君碑誅伏惟明府受
質自天也

同年稱同歲敦煌長史武班碑序追維昔日同
歲郎署也

碑題稱字李孟初碑題故宛令益州刺史南郡
襄陽李△字孟初神詞之碑也

碑陰題名或名字並稱或不稱字或名字俱畧

金石稱例

官屬類

卷一

六

韓勅造孔廟禮器碑是也

碑後題名分列弟子門童門生泰山都尉孔宙
碑陰稱門生者四十二人稱門童者一人稱弟
子者十人稱故吏者八人故民一人

按門生弟子解說甚多而洪氏隸釋較詳
云親受業曰弟子以久次相傳授曰門生
未冠曰門童舊所治官府其掾屬曰故吏
占籍曰故民非吏非民則曰處士素非所

茲則曰義士義民亦稱議民

門徒小子合稱高陽令楊著碑門徒小子喪茲
師範也

爲長官之祖立碑碑陰自題稱字不名太尉楊
震神道碑陰河東孫定博以下百九十餘人皆
稱字俱其孫統之門人也

前長官稱舊君湯陰令張遷表頌感恩舊君也

按同是故吏而稱名稱字不同者亦見是

碑

碑陰題名通稱字又不分列故吏門生等名目魏廬江太守范式碑是也

歛貲刊石稱義主北魏張猛龍清頌碑題名義主參軍事廣平宋撫民之類也

東魏敬史君碑碑陰題名有稱民望都民望者王氏金石萃編以爲皆郡人之著者近是

按武德于府君等義橋石像碑亦有稱民

望及民望土豪者意與此同

部民稱邑老唐元氏縣令龐履温碑邑老謝虔祐等並鄉庭積善也

邑令謁神自稱不佞華陰令盧朝徹謁嶽廟文朝徹不佞獲領茲縣

對先輩自稱後學元次山朝陽巖銘署邑後學田山玉書石也

金石稱例卷二

順德梁廷枏纂

姻族類

父考並稱周招觚銘招作乃文考父戊寶尊彝也

按禮記以父考為存歿異稱據此銘則古人亦未嘗分別也戊其名文尊詞

長子稱大男漢郎中鄭固碑序先是君大男孟

金石稱例

姻族類

卷二

子有揚烏之才也

叙先世而稱及其兄淳于長夏承碑東萊府君之孫太尉掾之中子右中郎將弟也

從弟稱元弟司隸校尉楊淮表紀元弟功德車盛當究三事也

按葉氏金石錄補謂悼穎伯未登三公之位而卒稱元弟以美之

孫稱元孫前碑俱大司隸孟文之元孫也

按洪氏隸續元孫猶元士然以元爲美稱也又金石錄補淮稱弼爲從弟弼又字頴伯以其祖視之俱爲諸子之長孫非美稱也二說互異當以洪氏爲長

子立父碑稱君司隸校尉魯峻碑君諱峻字仲巖也

按與唐顏氏家廟碑同

叙人祖父止具官爵不稱名前碑君則監營謁

金石稱例

姻族類

卷二

二

者之孫脩武令之子也

祖稱祖父邵陽令曹全碑高祖父敏曾祖父述
祖父鳳也

乳母之稱始見武氏前石室畫像題字第七石

第二層

父死稱亡父北魏始平公造像記遂為亡父造
石像一區亦稱亡考亡妣安定王造像記仰為
亡祖親大妃亡考太傅靜王亡妣蔣妃敬造石

窟一軀也

先人稱先尊安定王造像記敬恃此福上資先
尊

按唐△部將軍功德記奉為先尊及現存

姻族亦同是稱

叙婦人父兄稱爵不名司馬景和妻墓誌序蓋
中散大夫之幼女陳郡府君之季妹也

女稱息女懷令李超墓誌銘題名息女孟宜年

金石稱例

姻族類

卷二 三

三十六也

父母存歿稱見在過去周王龕生造像記七世父母見在父過去母也

按天和四年王某造像記現存母長命延年益壽蓋與此同

本有追尊之廟號可稱而但稱其本官者隋曹子建碑祖嵩漢司隸太尉公也

婦人姓不稱氏唐張琮碑祖母李景皇帝之女

母竇隨文帝之甥夫人長孫文德皇后之姊也子撰父碑直稱先代名諱武康郡公令狐熙碑稱遠祖邁祖虬也

婿稱女夫張開疆尹氏女造像記題名女夫尹仁則也

居母喪撰文自稱哀子碧落碑哀子李訓誼撰誌銜恤在疚也

父稱顯考榮德縣丞梁師亮墓誌序顯考金柱金石稱例

唐奉義郎也

按師亮字永徽永徽爲唐高宗年號竟不知避此可見古人之疏忽也

婦以排行稱僧志遠經幢二新婦二新婦也

婦人從夫姓稱某門姜氏女造像記神龍二年七月七日清信女竇門姜也

爲父書碑自稱嫡子上騎都尉馮本紀孝碑題嫡子銀青光祿大夫留直昭文館上柱國長樂

縣開國男敦直書也

父稱女曰某娘孟友直女墓誌序女十一娘字心河間人也

爲同族撰碑稱族子昭公李思訓神道碑題族子_△撰并書也

按是碑撰人官銜俱泐據錢氏潛研堂金石文跋尾定爲李邕耳

兄弟之子稱姪前碑姪吏部尙書兼中書令集金石稱例

賢學士修國史

按碑已缺其名據宗室表定爲李林甫林甫思訓弟思誨長子又按困學紀聞引通典顏延之曰伯叔有父名則兄弟之子不得稱姪雷次宗曰姪字有女明不及伯叔劉共父刊二程集遂改姪爲猶子朱子謂古人固不謂兄弟之子爲姪亦無云猶子者從俗稱姪亦無害於義理今據此碑及

顏氏干祿字書魯公之自稱十三姪男鄭公德政碑之稱猶子則知兩稱相沿已久宋儒特偶忽之耳

父稱嚴考常熟縣令郭思謨墓誌序嚴考敬同皇幽素舉高第也

書女但稱夫族不書適字等字代國長公主碑長女山范陽盧氏有肅邕之譽二女琇博陵崔氏資明艷之容也

金石稱例

姻族類

卷二 六

父稱子爲小男李貽孫祈雪題記小男進士同
吉學究靜復行也

父稱烈考牛氏像龕碑卽夫人烈考也

按碑文斷缺不可考

兄稱弟爲舍弟臨高寺重修葺碑題銜是也

曾祖稱曾門比邱尼惠源和上神空誌序曾門

梁孝明皇帝也

爲族子撰碑自稱族叔朝議郎裴道安墓誌題

署是也

婦人署名并及其夫石壁寺鐵彌泐像頌題太

原府叅軍房嶙妻渤海高氏書也

按此見女子從夫之義

叙人先祖稱居士故逸人竇士神道碑序祖居

士諱希求也

叙婦人稱母不稱父內侍省內常侍孫志廉墓

誌序夫人則天水郡君趙氏之女也

金石稱例

姻族類

卷二 七

爲兄誌墓不稱其父之名三墳記先侍郎之子曰某也

叙先世無高曾祖父等稱太常卿趙獻冲碑顯和之元孫世立之曾孫君煦之孫徵之之子也叙人先世先父後祖龔邱縣令庾賁德政頌公之考曰欽嗣爲△州別駕王父曰元汪爲尋陽令曾王父曰師爲蜀王文學

按△字泐據武氏授堂金石跋以爲光州

耳

碑叙子嗣先稱官而復名臧懷恪碑七子游擊將軍崇仁府折衝希崇豐州別駕贈宋州刺史希昶之類也

按臧希晏等碑同

同往稱宗兄元結墓碑序乃受學於宗兄先生德秀也

高曾稱高門曾門贈揚州都督段行琛神道碑

金石稱例

姻族類

卷二 八

序以至高門平原忠武王孝先弼亮北齊奄荒
東夏又曾門德濬初罹否運播遷隴坻也

按曾門之稱先見惠源和上神空誌

長子稱門子前碑門子祥穎仲子秀成季子△
穎等也

按此亦古人稱家督之義

婦人稱君錢唐縣丞殷府君夫人碑君號△定
瑯琊臨沂人也

按蘇東坡爲妻王夫人志墓亦稱君

中表兄弟之子稱表姪會稽郡開國公徐浩神
道碑題署表姪前河南府參軍也

稱人後爲未裔武陵縣令瞿府君墓誌序蓋帝
畧之未裔也

婦人旣寡稱霜妻解進墓誌序霜妻李氏偕老
願違也

稱人父母加先字安定郡王李光進神道碑序
金石稱例

追命先君儀同爲工開尚書先太夫人史氏爲代國太夫人

按碑爲令狐楚撰

婦人止稱木姓不繫夫族天水姜夫人墓誌蓋題新平公主女姜夫人墓也
父亦有稱皇父者處士包公夫人墓誌序皇父諱隣也

按碑籍貫下止稱父曰皇父蓋取皇大之

義與祖之稱王父者別

婦稱齊體前碑包公以再傷齊體追悼何心也
祖稱祖王父中大夫王文幹墓誌序南朝元從功臣諱英進公之祖王父也

書父碑自稱孤子朝議郎韓昶自爲墓誌末題孤子△書并篆也

父稱阿翁龍華寺宰堵波塔序阿翁遺意保厥孫謀也

長子稱元子左拾遺孔紆墓誌序其元子左拾遺養疾亦病逾二旬

幼子稱小男內樞密使吳承泌墓誌序長男修
次男修皆南遷未復小男修△也

金石稱例卷三

順德梁延相纂

喪葬類

稱死者爲先靈漢王稚子石闕漢故故先靈侍御史也

死稱不祿孔德讓碣永興二年七月遭疾不祿也

按此與古稱不穀無祿同義

墓不稱地衛尉卿衡方碑其年九月十七日辛酉葬也

刺史死稱薨東魏南秦州刺史司馬昇墓志銘薨於懷縣也

葬稱安厝唐房彥謙碑庚申朔越二日安措也丁憂稱丁窮罰于知微碑俄丁窮罰殆至滅性也

服闋稱服終美原縣尉張昕墓誌序丁父憂服

終

按易州田公德政碑亦稱禮終

婦人死亦稱示滅竇居士碑夫人朱氏以開元△年三月七日示滅也

葬地稱縣稱鄉不稱原左金吾衛將軍臧希晏神道碑序葬於三原縣長均鄉禮也

葬稱虔葬元結墓碑序以其年冬十一月壬寅虔葬君於魯山青嶺泉陂原禮也

金石稱例

喪葬類

卷三

二

葬稱安厝高力士碑△日安厝成其志也

按日上字多缺

婦人死亦稱捐館侍中尚書裴耀卿碑序太夫人捐館也

卒稱屈命盧公夫人崔氏墓誌貞元己卯先夫人而屈於命也

死稱捐寢葬稱安宅西平郡王李晟神道碑序自捐寢至安宅皆所司辦護

死稱謝世孔紱墓誌序公謝世之月餘日前與二季處闈室中也

文義類

碑後四言有韻之文亦稱叙漢校官碑是也

部民生頌其長官德政而詞稱誄者亦見前碑為郡王撰碑稱公齊故安陸昭王碑公諱緬字景業南蘭陵人也

金石稱例

文義類

卷三

三

銘文不稱銘曰字北魏漁陽太守司馬元興墓誌銘是也

墓銘稱頌南梁郡太守司馬景和妻墓誌銘是也

以粵爲曰東魏太公呂望表銘其詞粵也

按此與北齊朱曇思等造塔記隋曹子建碑同顧氏金石文字記云古曰字與曰同一書法故變其文爲粵欲讀者之易曉也

撰文亦稱造文周西嶽華山神廟碑万紐于瑾造此文也

撰銘稱薦銘大將軍鄭偉墓誌序乃薦銘也

書碑稱題寫隋張公禮龍藏寺碑開皇六年十一月五日題寫也

撰碑稱作陳叔毅修孔子廟碑濟州秀才前汝南郡主簿仲孝俊作文也

文因避諱而去其名之一字唐等慈寺塔記銘

金石稱例

文義類

卷三 四

念彼王充偷安假息不稱世充避太宗諱也
文易撰稱製左光祿大夫皇甫誕碑題于志寧
製也

按此與道因法師碑王居士博塔銘例同
撰文人結銜名字並稱蜀王師蓋文達碑題于
志寧字處謚作此文也

按此與孫翌撰高延福墓誌同

墓碑題額稱瑩兆記見高士廉碑

碑稱某公曰某卿唐褚亮碑額題大唐褚卿之
碑

釋氏稱律也猶俗之書禮也濟度寺尼蕭法願
墓誌營空於沙陵原之側儉以從事律也

撰文稱纂開業寺李公碑題李尙一纂也

按此與楊岐山禪師廣公碑文及六十六
燈幢贊同

撰文稱詞奉仙觀太上老君石像碑題隴西李

審機詞也

立碑稱樹馮本紀孝碑先天元年歲次壬子十一月景寅朔日壬申樹也

墓誌稱誌文大薦福寺思恒律師墓誌題蓋是也

碑禮也變稱孝也代國長公主碑陪塋橋陵孝也

按碑爲駙馬都尉鄭萬鈞撰男聰書蓋夫

撰妻文子書母碑故有是稱非通例也

書碑稱寫大温國寺進法師塔銘題署是也

謚有謚法所無者容州都督元結表墓碑序門人謚曰太先生謚法蓋無太字

稱名加一曰字北嶽恒山安天王銘序常樂安公曰祿山國之英也下武威賈公曰循時之傑也

按此例又見庾賁德政頌等碑

金石稱例

文義類

卷三

六

撰碑稱述三教道場文碑題署是也

君爲臣製文稱頌贈太尉宋璟神道碑側記方欲陳乞御製碑頌也

書人署名自稱逸士見易州刺史田琬德政碑刻石稱碑板丁思禮豎心經碑記尅爲碑板也名與字同者並稱之慈州刺史汪履清神道碑君諱履清字履清京兆萬年人也
婦人稱號不稱諱殷府君夫人碑君號△定也

按婦人不以名行稱字稱號皆正例也

碑稱題諱卽後人填諱所自祖贈太子少師徐浩神道碑題署張叔平題諱也

雙名止題一字柳宗直等華嚴巖題名元和元年三月八日直題也

姓下稱氏復稱公陳韞墓誌額題唐故處士顯川陳氏公墓誌銘也

撰文稱述龍華寺窣堵坡塔銘題布衣高壩述金石稱例

也
爲人撰碑文內宜稱其人之名折嗣祚碑昔先
王求枚嗣祚也

按本文蓋承先王爲言明尊君也

金石稱例卷四

順德梁廷枏纂

時日類

朔下書日不稱越漢敦煌長吏武斑碑序建和
元年太歲在丁亥二月朔辛巳廿三日癸卯也
碑不明稱日月韓勅造孔廟禮器碑序霜月之
靈皇極之日也

按詩九月肅霜書五皇極此必九月五日

金石稱例

時日類

卷四

一

也

物稱壽稱紀梁瘞鶴銘鶴壽不知其紀也

卒日稱時唐淨藏禪師身塔頌天寶五載歲次
丙戌十月廿六日午時也

碑後署日稱吉旦西山廣化寺無畏不空法師
塔記開元二十五年歲次丁丑仲秋八月吉旦
刊

計年數獨稱曰夏敬愛寺大證禪師碑年六十

夏十四蓋自天寶八年受度至寶應二年死相
距十四年也

年歲稱稔段行琛神道碑序其年於斯七十五
稔也

卒不明書月日河南府司錄盧公夫人崔氏墓
誌序以首秋再旬外五日終於東都正俗里
之私第也

本年稱當年王仕倫墓誌銘序以當年八月廿

金石稱例

時日類

卷四

二

九日墓於故宋夫人之同塋所也

二氏類

婦人自稱清信女北魏洛州鄉城老人造像碑
清信女楊之類也

男子稱清信士劉洛真造像記清信士弟子劉
洛真之類也

按造像題記南北朝迄隋唐爲多其名目

稱謂甚繁其曰佛弟子正信佛弟子皆造

像人自稱者也其曰像主副像主東西南

北四面像主發心主都開光明主皆出資

造像者也曰塔主出資造塔者也曰鐘主

東西南面浮圖主燈主皆出資造鐘造浮

圖造燈者也曰化主教化主東西南北面

化主左右藉化主大都化主都錄主坐主

高坐主皆勸化造像者也曰邑主大都邑

主東西面邑主及邑子邑師邑正左右
皆邑中助緣者也至曰和上比丘比丘尼
都維那維那典錄典坐香火沙彌門師都
邑維那邑維那行維那左右
箱香火皆稱其寺中之職也
寺主稱上座唐秦王告少林寺主教告柏谷塢
少林寺上座寺主以下徒衆也

按寺主之稱見隆闡法師等碑上座之稱
唐碑不可勝計此亦偶舉見例耳

釋氏碑或稱紺碣伊闕佛龕碑是用勒紺碣於
不朽也

僧年稱報齡朝鮮朗空大師塔銘報齡八十有
五也

尼死稱捨壽濟度寺大比丘尼蕭法願墓誌捨
壽於濟度寺之別院也

僧死亦稱遷形道安禪師塔記以總章元年十月七日遷形於趙景公寺禪院

助修橋者稱發心主小石橋碑題名大碑主發心主也

造經幢者稱君子李端符經幢題善衆君子尊勝幢也

僧死稱示終醴泉寺誌公碑奄然示終也

按碑多稱示滅如示終等類特舉其稍別

者見例耳

釋氏火葬稱施身法藏禪師塔序施身於終南山槩梓谷屍隄林由是積以香薪也

尼死或稱遷神興聖寺尼法澄塔銘序卧訖遷神春秋九十也葬尼亦稱安神是碑序以其月廿三安神於龍首山馬頭空塔所也

釋氏墓塔亦稱身塔嵩山會善寺景賢大師身塔石記是也

按碑多稱靈塔真塔此稱蓋少異者

僧死稱謝景賢大師身塔記翌日而謝春秋六十有四也

僧母稱先慈大智禪師碑序先慈矜異遺訓出家也

釋氏稱兄中嶽永泰寺碑序九級浮圖者比邱真一敬爲故兄寺主真藏之所建也

禪師稱諱稱字稱俗姓張禪師墓誌序香山禪師諱義琬字思靖俗姓董氏也

助助稱施主丁思禮心經碑具施主姓名如後也

尼死稱薨真化寺尼如願律師墓誌序律師薨於長安真化寺之本院

尼年稱法夏前碑法夏五十六也

釋氏稱其支派曰系孫無憂王寺大聖真身寶塔銘序寶塔者摩伽王之系孫阿育王之首建

金石稱例

二氏類

卷四

六

也

尼號亦稱法號河南府押衙張詵夫人樊氏墓誌銘法號義性戒律貞明操行高潔也

僧生卒稱中元後元不稱年號楊岐山禪師乘廣碑初廣公始生之辰歲在丁巳元宗之中元終之夕歲直戊寅當德宗之後元

按元宗德宗俱三改元元宗中元卽開元也德宗後元卽貞元也丁巳爲開元五年

戊寅爲貞元十四年

僧之稱公皆冠以名之下一字乘廣禪師碑稱廣公之類也

釋氏徒稱承襲安國寺大達法師元秘塔碑序承襲弟子義均自政正言等克荷先業虔守遺風也

對釋氏稱俗弟子勅內莊宅使牒列名俗弟子李自遷是也

婦人稱女弟子五代漢景福寺重建思道和尚
塔衆邑人記題名女弟子武氏等類也
僧有稱小師者見周羅漢乙陀羅尼幢題名

按釋氏稱謂甚繁惟小師及同學僧之稱
始見此碑

僧病稱示疾死稱歸真吳龍壽院光化大師碑
序於吳太和六年甲午歲杪夏十一日示疾松
堂迨於中秋二十八日夜子時歸真丈室也

續金石稱例自序

予前爲金石稱例上始商周下迄五季蓋倣歐
氏集古錄趙氏金石錄例也旣乃病其未備復
廣搜宋元舊拓就中可採者得若干条別爲一
卷遼金附焉明人碑板夥而易得再續之編將
俟他日已卯秋仲一日廷枏記

金石稱例目錄

卷一

國制類

即位未改年者以月稱

年號與王封有國之年並稱

拜官未就仍稱前職

稱有天下年數而不書年號

匈奴之長自稱單于

金石稱例

目錄

王未受禪下令亦稱詔制

國史稱籍平建稱萬祚即萬年之義

改元稱啟運蘇前太后稱女后

易代後列銜尚題前代

有天下者或稱御紀

天子所居稱別次

公主稱鄉貫稱先君為聖考大圭

君稱臣為公君為臣撰碑亦稱公

碑叙先帝不稱廟號

謫官後止稱前銜

宗室稱皇族君稱臣母曰太夫人

稱官第以別於衙署

言本朝止稱曰皇

即位後碑文仍稱太子

廟號尊號連稱本朝國號加稱巨字

人主生日稱降誕日

享國世代稱芳葉

官屬類

長官稱明府 同年稱同歲

碑題稱字

題名名字並稱或不稱字或名字俱畧

題名稱弟子門童門生故吏故民

門徒小子合稱

爲長官之祖立碑自題稱字不名

稱釋氏徒曰浮圖嗣

徒之徒曰師孫 僧年稱俗壽

徒稱小師

釋氏徒屬稱法眷

神稱老爺

續金石稱例卷全

順德梁廷枏纂

國制類

神稱本朝為皇家宋新修商帝中宗廟碑序皇
家有天下之十五載也

有天下之號加稱國字保寧寺鐘款識大宋國
咸平三年十二月十八日奉勅鑄鐘也

紀國年稱禩禪社首壇頌序浚灘御歲應鐘旋
金石稱例

國制類

續卷

一

月國家建號之四十禋皇帝紹統之十有二載也

碑頌稱世爲葉大宋敦興頌皇帝嗣明離之三葉歲在未月建午日丁卯

按是碑不明具年月吳氏金石存以爲太祖開寶二年宋有天下十二年己三改元故稱三葉潛研堂金石跋尾謂是年五月無丁卯日定爲天禧三年己未五月十一

日蓋自太祖至真宗凡三葉也今按太祖及身開創不應云嗣離明也後說近是

陵寢稱寢園或稱陵域永定陵修奉採石記奉寢園又至於崇奉陵域種植松楸也

嗣位稱纘祚韓蘄王神道碑上纘祚之十五年威行德孚

上疏自稱草土臣萬碑又拜疏請曰草土臣彥古謹昧死言臣之先臣世忠發身戎行

金石稱例

國朝頌

續卷二

稱太上不繫皇帝字前碑太上偉其功詔樞密以功狀頒示中外諸將

姻族類

對舅稱外甥呂至山等題名外甥進士唐受侍行兄弟直稱同氣駙馬都尉石保吉碑序同氣三人也

對伯叔祖稱姪孫澹山巖題名姪孫蕃侍也

婦人對其伯叔父稱猶子王公儀神道碑序先娶李氏觀察使士衡之猶子也

兄弟稱季孟范子巖墓誌序逮歸季孟已有析煙之議

先娶婦稱元娶前碑元娶馬氏卽邑人進士馬收之女

孫稱孫男逯行滿寺尼惠照建陁羅尼幢記後金石稱例

題出家男△孫男△稅金奴孫女師

喪葬類

死稱違世北京韓魏公祠堂記自是每逢公生及違世之日皆來致祠及作佛事

皇后死稱上僊二陵採石記建中靖國歲在辛巳正月乙亥欽聖憲肅皇太后上僊遺誥追尊故皇太妃爲皇太后也

文義類

撰碑人止具官銜不稱名姓宋拜文宣王廟記題給事中撰也

按碑文內云給事中徐休復承聖君之命
禱神嶽之靈知是碑爲徐撰耳

題名稱記押嶽廟趙諒題名副使趙諒記押
臣子頌君自稱先生而不名大宋敦興頌署虛

儀先生撰也

按宋史文苑傳有馬應者自稱先生開寶初作敦興頌述太祖下荆湖功疑卽此也撰文稱述勸慎刑文署晁迥述也

碑石稱溫珉興元府褒城縣新修文宣王廟碑誌諸溫珉

按諸碑皆稱貞珉此獨異稱者蓋以仁宗諱改也

號冠姓字之上澹山巖題名有襄陽却塵王淦因道萊人習隱盧汝聖鄰也

道家記文亦稱實錄慶厯六年重修仙鶴觀實錄也

題記稱寓書祈真巖題名遂寓書於崖壁也按此爲豫章洪乙題名缺不可識

碑不先叙諱字王公儀碑序獨於序後銘前別爲銘曰有宋達德君子王公諱公儀字子嚴之

碑是也

按范子嚴墓誌姓諱俱列序後亦金石創
例也

御製文稱聖作大觀聖作之碑是也

撰文人自稱老拙妙空禪師頌署宣和五年八
月初三方山老拙書

索文曰屬筆蕪湖縣新學記屬筆於僕使爲之
記

幕客稱門下士和州防禦使楊從義墓誌序公
預爲送終之具託門下士朱滄昆季迹其行事
編爲墜除錄

時日類

碑書時不明稱某月者宋藍田縣重修文宣王
廟記時大中祥符四年皇帝祀汾陰之月

按是月爲二月

金石稱例

時日類

續卷六

時以甲乙稱者遼燕京憫忠寺舍利函記後題
大安十年歲次甲戌閏四月辛未朔二十二日
壬辰甲時

按金衛紹王亦改元大安故帝京景物畧
目遂定爲金時物然金稱大安者祇三年
此云十年乃遼道宗年號也又按遼金石
文多以甲乙丙丁庚辛壬癸乾坤艮巽代
十二辰

二氏

僧稱開士宋篆書千字文序僧夢瑛荆楚之開
士也

設醮稱座晉國大長公主設醮題記大醮一座
至十一月三日罷也

寺稱招提保寧寺鐘樓碑記保寧寺茲邑之大
招提也

金石稱例

二氏類

續卷七

爲釋氏撰碑稱戒弟子金陵攝山栖霞寺碑文
署菩薩戒弟子濟陽江總持撰也

稱釋氏徒曰浮圖嗣普通塔記自幼依師爲浮
圖嗣長則能恭養父母也

按師弟師姪之稱亦見此碑

徒之徒曰師孫傳應法師行狀師孫六人

僧年稱俗壽重建光濟寺記俗壽七十有六也

徒稱小師前碑寺事委以小師洪禧日惟誦禮

不忘其初

釋氏徒屬稱法眷金同官縣靈泉觀記師法眷
孫黨存信繼而住持

神稱老爺大安石刻大安二年四月三十日未
時老爺感化趙門白氏捨地建廟

按此非仙佛廟宇金石萃編以爲山神土
地之祠說固似之今以附二氏之後

碑文摘奇卷全

藤花主人梁廷枏纂

漢引碑三十八通
共八十八又八字

戚伯著碑

筆作矣

三老袁君碑

山作岳

北海相碑

碑文摘奇

曹作曹

按宋夫子廟碑作曹

惡作恩

按李翁西狹頌作惡

奔作

肱

按隸釋作肱與石本少異

棄作奕鄰作却拂作軌

司隸校尉楊孟文頌

天作去斷作斷盤作脗滯作遘碍作尋

按

齊宋買造像碑同

從事武君碑

遭作遭

孔和碑

歸作歸

按東魏太公呂望表作歸

韓勅孔廟禮器碑後碑

遵作遵爭作尋

字彙補引此作尋與石本少異

孟作盞

按

齊孟阿妃造像記作盞

吉成侯州輔碑

緇作緇

楚孫相碑

遷作遷

按尹宙碑作遷魏義橋碑亦作遷

蟻作似喜作喜

碑文摘奇

昏作曙

王純碑

裝作痃

郎中鄭固碑

詭作危質作盾

按北海相碑亦作盾

曷作曷

泰山都尉孔宙碑

麟作麟襄作壘邛作邛簋作盍黎作麴

按

豐水石橋碑作形

山陽太守祝睦碑

壹作壹

按唐尹尊師碑作壹

西嶽華山廟碑

亢作亢香作香邨作邨

孟郁碑

術作術輝作輝

張壽碑

弼作弼御作顯

碑文摘音

衛尉卿衡方碑

太作太坤作《

後漢輿服志乾坤之坤亦作《

高陽令陽著碑

拜作揅

按唐陳憲墓志作粹

秋作龜

唐聖德感頌作龜

蹤作

遜異作異

魯相史晨祀孔子奏銘

怖作恹契作挈

按北齊合邑造像堪銘作契

響作韻

孝廉柳敏碑

漫作溇荒作充

淳于長夏承碑

策作帶

按張遷表作帶字彙補引此作帶與石本異

退作退

按繁

陽令楊君碑作復

風作鳳

李翕西狹頌

惡作惡

博陵太守孔彪碑

薦作蘘蠲作蠲繫作毆

按廣韻所收毆字與此少異

碑文摘奇

靈臺碑

盈作盈

吳仲山碑

憂作慕庭作遊貸作勵

司隸校尉楊淮表紀

鑿作選按正字通公羊傳漢書皆从蓄隸作選即蓄之變體選為選之譌文也

繁陽令楊君碑

克作克

字彙補引此作克與石本異

退作復地作墜

作際

隸釋引此作際與石本異

司隸校尉魯峻碑

看作栞億作童虐作虔

字彙補引此作虔與石本異

婁壽碑

麗作麗愛作爰

堂邑令費鳳碑

泥作泥

碑文摘奇

豫州從事尹宙碑

遷作儂

郭君碑

戚作儼

校官碑

從作逕

按孔耽碑作迓北魏景和妻誌作從東魏孔子廟碑作從北齊大像

頌作

厲作厲

隸釋作厲字彙補引此作厲並與石本異

垂作垂

隸釋作垂與石本異

智作智

隸釋作賈與石本異

房作房

所

童子逢盛碑

透作迺啓作啓

孔耽碑

從作迓

外黃令高君碑

犴作狴

蕩陰令張遷表

碑文摘奇

蠶作蠶筭作英策作蒂

魏引碑一
通一字

廬江太守範式碑

赫作赫按東魏孔子
廟碑作赫

北魏引碑三通共
十又九字

孝文帝弔比干墓文

蔑作蔑按唐郭思謨
墓誌作蔑 敝作弊菊作葉寔作

寔顛作巔桴作桴集韻所收
作桴少異 曳作电螭作

螭裔作裛按東魏史敬
君碑作裛 訴作訢騶作騶

司馬景和妻墓誌銘

從作佗舅作甥族作族塋作塋妻作妻粵
作粵

司馬晒墓誌銘

驤作驤邊作邊按北齊姜慕
造像記作邊

東魏引碑六通共
五十又九字

中岳嵩陽寺碑

碑文摘奇

潛作潛

潛唐韻則吁切音義並異

馴作述

述字彙補巡字之譌不與

馴

築作築

敬史君碑作稟

家作家

敬史君碑

裔作寰 稟作稟 抱作抱 后作后 看綱作綱 壑

作壑 聯作聰 豹作豹 御作御 緝作緝 鄭作

艷

李仲璇修孔子廟碑

赫作赫 營作營 舉作舉 爽作爽 學作學 眺

作眺 覽作覽

按北齊宋買造像碑作攢

然作然 聘作聘

像作像 從作從 阜作阜

按唐皇甫誕碑作鼻

邑主造像碑

夷作夷 靈作靈

按北齊造像碑作靈 唐郭君碑作靈 石浮圖銘作靈

哉作哉 荆作荆 兎作兎 冕作冕 篆作篆 轡

作轡

字彙補所收作轡 與此少異

義橋石像碑

亦作升 愍作愍 置作置 儀作儀 侵作侵 苦

碑文摘奇

作音遷作選擇作擗辛作幸積作積按唐東憲

墓誌作穡飾作飭婢作婢標作擗顯作顯按北齊董

洪達造像銘作顯表作表莠作莠

太公呂望表

忌作思坑作坵貌作猥集韻猥或作猥枯昆切玉篇豕齧地

也音義並異毫作蒙胃作胃優作偃歸作歸翰

作翰

北齊引碑十三通共九十又五字

劉碑造像銘

照作嬰英作英巧作巧驚作崑霄作霄按造

靈塔記作霄辨作辨按宋買造像碑作辨蠢作蠢偃作偃

冠作對岸作坵跡作跡垂作垂

朱曇思等造塔記

塵作塵翥作翥梵作廐禽作禽走作志容

作容按殘造塔銘作容隋杜爵作爵寶作

寶

姜慕造像記

東作東因作因儻作儻冥作冥老作老遙
作遙飛作飛邊作邊

合邑諸人造佛堪銘

幽作幽虔作虔契作契華作華提作提

宋買造像碑

瀾作瀾莊作莊強作強覽作覽辨作辨碍
作碍果作果竭作竭臨作臨布作布業作

業勢作勢墟作墟變作變璨作璨俗字又見正字

通雙作雙按孟阿如造像記作雙忘作妄發作發靈

作靈

造丈八大像頌

岡作岡從作從後作後央作央

董洪達造像銘

武作武遠作遠齋作齋率作率按唐姜行本碑作率

徒作徒體作體俗字又見玉篇渠作渠集韻渠通作渠从水

此从木異 火作丈顯作顯曇作曇還作暎可作
邱奇作黜

邑義主等造靈塔記

山作山爾作於穎作穎霄作霄

臨淮王像碑

竊作竊按隋石橋碑作竊 達作達藤作藤算作算

按隋杜乾緒等造像銘作筭 袞作袞按唐李靖碑作袞

殘造塔銘

容作裕圖作圖酸作酸

道興造像記

裁作搯糞作糞臍作臍豬作豬

孟阿妃造像記

朔作朔孟作孟及作及去作未寅作寅雙
作雙蠢作蠢堂作堂

吳洛族造像銘

象作豫杪作杪

碑文摘奇

周引碑一通
共三字

聖母寺四面象碑

壽作壽南作南唯作晷

隋引碑三通共
十又六字

杜乾緒等造像銘

狀作拔菌作菌潤作閩算作筆曦作曦容

作因碧作奕傳作傳按宋元祐
黨議作雋載作載按唐

昭仁寺
碑作載

洛州南和縣澧水石橋碑

黎作梨矚作矚官作官竊作竊

陳叔毅修孔子廟碑

窻作憲朔作朔龍龕手鑑步
罵切不通朔夜作夜

唐引碑三十通共
百又十六字

寶室寺鐘銘

悠作悠搜真玉鏡所收
作悠與此少異戒作戒

等慈寺塔記銘

碑文摘奇

亶作亶 纏作纏 按釋文塵本作堰又作厘厘本塵之省故唐碑纏漣

躔字旁多从厘廣韻以爲俗字寔省文耳 儒作儒

幽州昭仁寺碑

禍作禍 按宋元祐黨議作禍 兕作兕 載作載 正韻干權切不

通 涇作涇 世作世

汝南宮主墓誌

鹽作塩 穎作穎 襲作襲

皇甫誕碑

殺作斂 釁作釁 墻作墻 頤作頤 跋作跋 鄒

作鄒 五音篇海所收作鄒與此少異 糾作糾 阜作阜

姜行本碑

猷作猷 稽作稽 率作率 彼作彼 音同義異見廣韻

伊闕佛龕碑

毫作豪 拙作拙 古文同 仿作仿 籀文同見字通

段志元碑

昊作昊 五音篇海所收昊與此少異 剛作剛 亞作亞

碑文摘奇

太宗祭比干文

殷作段貳作貳

彌勒像碑

鳥作烏斲作斲鑿作鑿備作備遐作遐裕

作裕篇海所收作叢作叢裕與此少異

萬年宮銘

胥作胥古文禦作禦

李靖碑

肉作突按郭思謨碑作突袞作袞驅作驅

朝鮮朗空大師塔銘

衝作衝儼作侶廣韻壺作壺安金教養碑作壺

贈太師魯國孔宣公碑

商作商極作極稟作稟偃作偃齒作齒罕

作罕戊作戊按五代史梁開平元年避諱改戊為武此或相沿缺筆之

誤竄作竄朕作朕寡作寡正字通所收作寡與此少異

牖作牖漢作漢

碑文摘奇

古

敬善寺石像銘

鶴作鶴襲作龔翠作翠

按五代本業寺記作翠

夙作

夙

郭君碑

嚼作嚼靈作靈散作散確作確

尹尊師碑

朝作朝沌作沌壹作壹

又作壹

正覺浮圖銘

佛作仏

古文

雷作雷

修孔子廟碑

頽作頽厥作厥楚作楚素作素

說文所收二素與此

少異朗作朗川作川

華嶽精亭昭應碑

直作直邇作邇疇作疇咨作咨享作享

作忍

郭思謨墓誌

碑文摘奇

號作豨肉作穴蔑作蕞冠作窠

李文安石浮圖銘

勞作勞靈作靈

尉行忠造像記

男作男

陳憲墓誌銘

拜作狻積作積龍作彫

思恒律師墓誌

馬作魚用作用叅作叅留作留

北嶽神廟碑

書作袁

按宋解院記作書

神作豐昂作卵化作貨

牛氏像龕銘

龕作龕

臨高寺碑

修作修葺作葺海作彙

按唐碑多有偶舉于此

元宗注道德經敕文

碑文摘奇

乖作莖

嵩陽觀聖德感應頌

夏作夏喜作喜秋作醜不作不能作能乖

作葉淳作漳

五代

引碑四通共
十又六字

賜長興萬壽禪院牒

觀作觀乞作乞

溪州銅柱記

底作匪率作率糗作糗

龍壽院光化大師碑銘

髮作髮整作整願作彫

本業寺記

國作因輻作輻闕作闕恩作息年作年按宋

山河堰落
成記作葦再作再翠作翠虛作虛

宋引碑九通
共三十字

重修文宣王廟記

碑文摘奇

賚作資婚作簪

扶風夫子廟堂記

地作墜三作式子作塙唐作駮天作无遊

作送曹作曹

復唯識廨院記

後作逸者作畧日作回殿作殿書作畧

昭陵圖記

陵作陵密作密旌作旌

元祐黨議

傳作僞禍作禍

說文所收作羈

韓蘄王碑

訊作評芒作芒聽作聽

潼州府學泮橋記

古作圖圖作圖

山河堰落成記

熙作熙年作年

碑文摘奇

治平寺藏輪殿記

時作峇巨作鉅雖作雖辭作辭

遼

引碑一通一字

雲居寺續秘藏石經塔記

喪作容

廣韻所收作喪與此少異

金

引碑三通八字

圓覺禪院鐘款

錢作不

濟州李演碑

勇作勇與作与武作盞

京兆府學教養碑

壺作壺議作議凶作凶崇作崇

補遺

相君小史夏堪碑

繭作跡

張公神碑

碑文摘奇

薦作慶

武梁碑

輝作礎

楊厥碑

途作塗

熊君碑

奚作奕

譙敏碑

刻作屨

周府君碑

船作胎

劉熊碑

隨作遯

張納碑

寂作宀

蜀郡屬國碑

碑文摘奇

舟作舟

蜀郡造橋碑

達作達

周憬碑

劉作對

錢士晉神道碑

陀作陀

亳州老君碑

一作
年作稿



